

潛蚪小草卷之一

閩汀寧化鶴臯劉文賢以從氏訂

古塔頌

有序

寧化古塔不詳所自始舊志以爲邑老相傳
未有縣先有塔蓋唐以前物也歷年旣久欄
檻階蹬悉空孤高直上巋然物表其雄古之
氣無與倫比余嘗悲斯塔之遇僻在方隅無
有過而問之者旣爲之頌而序之而同人愛

我咸謂序言多激宕非大雅所尙余是之故

更爲此序述其大槩云爾

高城言言憑眺風烟東南負郭古塔峙焉俯瞰雙溪
仰揖羣峰虹橋左控蕭寺右通嶺岩刻岌峯起壁立
上竦重霄攫日拏雲龍蛇騰踔鸞鳳飛掀丹霞前霏
沉瀼後溥吐納景光風雨盤旋下臨廣野山林谿谷
升高必見無遠不矚雉堞平臨烟井環屬高棟飛甍
拊其趺足混沌乍闢元氣滂沱是有鬼神人功何加
霜雪所蝕兵燹旣罹不震不動千載嵯峨安重鎮固
雄武壯特高遠閒曠淡泊虛寂峭厲矜廉樸率梗直
卜世斯長爛爲古光斑駁一色匪丹匪黃烈風驚雷
時墮飛礫蒼潤堅良少爲拂拭夏鼎商彝揉其光澤
攀援旣絕升降無聞獨有神鳥千百爲羣投間抵隙
窟宅紛綸夜靜露白絳桃飄飄瑤池之實遺種清高
列仙就食倚杖逍遙獨處僻遠奇蹤莫識靈光絕響
天台逸冊培塿爭高泰華無色伊古有然誰爲太息

惟曰無傷幽賞自得外慕奚加虛名何益寧山峩峩
寧水汨汨獨有千古永符貞一

採菱前歌

菱實芳菱刺長思君實芳恨君刺長

菱實芳菱刺長思君實芳忘君刺長

實芳可口刺長傷手

口與手語傷君毋苦儂肌莫補

可口一時傷手裂肌

日暮打槳却出菱塘還君實芳任君刺長

採菱後歌

菱衣紅菱實白君紅太好君白難保

紅不可食爲白之賊白不可見紅爲之色

紅如華穀白如美玉

玉玷可磨白傷奈何

紅不受詈非紅則彰白實有芳

君實有芳君刺空長

短歌行

白日苦長憂來無方呼奴置酒與君臨觴酒清易竭
憂思難忘願傾東海以駐景光絲竹清音寫我肺腸
秦箏趙瑟請置兩傍清商隨風忽焉慘愴駕言出遊
從子徜徉陟彼高邱道險且長我車旣來我馬茲傷
將子其復中道徬徨孤鴻遠號時鳥踟躕小草當春
或掇其芳九九松栢尋彼斧斨酌酒與君涕下沾裳

故馬悲故主行

故馬悲故主相逢驚顧泣下交纓帶以漣洳幸承光
輝末主昔盛時皎如紅日升東隅左佩瓊瑤右綴明
月之珠僕夫按劍意氣輕萬里若庭除曾日月幾何
金鞭斷折雙劍如土苴昨出城南門楊柳臨高衢曠
望東西南北關山浩浩馬猶曩昔主今何如

東山鷓鴣行

有序

獵者黃大頭爲人言賞射獵東山有兩鷓鴣
雌雄相逐射之斃其雄雌者綠林哀號尾大

頭不能去行數里近溪旁有大石雌忽決起
以首搶下觸石死大頭驚詫以此廢射嗟夫
天地節烈之氣蠢然一物猶有所秉乎陰子
淇園倡爲此詩同輩屬和余謂此與李忠定
公祠題壁古塔頌木坊詩爲吾邑四大題也
溪水繞東門東山枕溪曲林莽蔚陰翳百鳥昌其族
中有兩鷓鴣雌雄自相逐時日遭不祥慘入獵者目
雄冠委飛燼雌者勢窮聲投身抵絕壑歛景鼠叢竹
有命不共生須臾肯終伏延頸望故墟拚飛上高木
激響發深哀悲風雜咿喔是時日脚西獵者訖所欲
得肉逝將歸提攜下山麓有聲自其後入耳實振觸
瞥見譙羽飛流離越坑谷之死不避讐驅之再三復
五里溪橋近大石當道覆石勢何嶙峋介若鋒刃矗
鳥乃奮迅至聲絕不可續臨流烟水濶頓顙跂兩足
孤翎起飄忽陡上掠風角翻身復搶下猛勢若注鏃
直以首至石碎腦摧胷腹錦毛逐花放勁血流丹渥

潛蛟小章 卷一
觀者盡驚詫行者還躑躅好事在吾徒聞之爲端肅
義氣在天地萬物無盈縮得之卽爲貴蹈死如蹈宿
胡世盡偃蹇毋乃緣嗜慾請觀鷓鴣行庶用起風俗
李忠定公祠題壁三首

河上軍烽日夜明三朝和議竟難成坐輸歲幣何如
戰臣本書生亦解兵張傳且能供指臂汪黃無奈得
鉤衡大廷封事連章罷痛哭西風五國城

中原垂手尙堪爲歎息東南事浸移公論早陳靈武
策民謠方獻武昌詞河間郡縣輸全壁天下安危寄
一絲日暮錢塘江水黑孤臣匹馬更何之

中興籌畫尙和戎誓死斯人答聖衷伏闕豈應留陸
贄叩閣何事得陳東關山輾轉餘長道朝廟委蛇正
內訌滿眼傷心千古恨故祠烟雨一溪風

過豐城

斜陽高岸水濛濛城郭依然劒氣空惆悵馬頭雙錦
帶十年前夢駕飛虹

滕王閣懷古

江山如舊幾人遊
故閣凭欄望未休
玉輦已湮他日跡
金尊猶憶往年秋
天低大野吳雲沒
浪擁高城楚水流
千載烟霞誰作賦
臨風結想正悠悠

渡江

天險限南北岷江一水長
出山迤楚會橫海帶吳疆
鉄鎖烽烟靜風帆日月光
中原如砥地飛榜下斜陽

望焦山

水勢東南盡江聲日夜流
一峯疑泛海萬古若虛舟
浪駭魚龍躍風翻鸛鶴愁
遙知烟霧裡時有列仙遊

金山寺

寥天動盪江水寒
龍宮飛駐青雲端
亭臺倒景日月過
崖岸凌空蛟鯨盤
林間鐘磬浪花濕
世外烟霞秋色溥
爲問悠悠風前客
幾時拍手招元鸞

登金山浮圖絕頂

天外雲連白日垂
不勝秋望倚欄時
大江南北三千

里此日臨風却憶誰

春日偕遊吳山

亭臺高下倚空濛處處香飄酒市風一面湖光新雨
後萬家烟景薄寒中雲移屐齒青衫濕花落鞭梢繡
鞅紅正是江城修禊罷水邊蘭葉又匆匆

渡河二首

萬古生民患長河天外流東南同并鮒輾轉集

沙鷗

聖代勤宵旰羣工戒逸遊隄隍修歲事穩渡不須愁

野濶星初落天空風暫平淮黃微辨色清濁久

無情反掌驚魚鱉傾身托死生朝舖遙到岸樽

酒更盈盈

贈內閣王中書坦之同年

闔闔千門閣道斜一方窻几護宮紗硯池渴飲金莖
露筆架春生玉殿花桂子香時同繫馬省闈開處獨
乘車天邊最羨烏衣客雲路嗟衰未有涯

都中送宮大麗峯赴官黔陽

思南溪洞古黔州鳥道菁林白日幽十郡苗蠻民半
雜幾人膏雨澤偏留木蓮花暖吳江暑金桂香零漢
水秋公子抱琴過此去燕雲一片暮山浮

漂母祠

一飯曾何意千金到九原英雄無不報貧賤易爲恩
野岸秦雲古平沙漠月昏祇今餘廟貌猶對舊苔痕

疾中賦謝諸同人邀集城西池館

歷下作

歷下西風憶舊遊習家池館夾芳洲廊通響屨飛泉
過簾捲交疏宿雨收金勒遠嘶楊柳暮玉缸遲醉芰
荷秋近來輸却香塵步潦倒青袍祇剩愁

讀平埜先生傳書後一首

有序

傳爲雷翠庭先生作末具載許令君廉吏也
北上乏貲君傾囊三百金贈之事有可感慨
然成篇

修士謹百行取與爲大閑苟非道與義一介若邱山

潘輅小集 卷一
傷廉固所耻傷惠亦徒然平埜自好士凜身若冰淵
讀書自曩昔道義素所嫻胡爲矜俠烈獨念使君寒
傾囊三百金棄擲如等閒母迺於斯道揆之義亦安
朋友在五倫燦若日星懸當其緩急時無異身痼瘕
古人重建立豈必位與權往往千載名乃在一事間
魯困念新知范舟憶當年當時或相忘後世稱其賢
此風倏已往世路如雲烟陋巷固窮士瀕死耻自言
卓哉平埜君古道獨嫺娟

聞人北上

此道吾終矣端居歲月淪風雲悲落日湖海憶青春
疋馬雙龍劒匡牀一病身閉門成曩昔愁問柳條新

秋懷有和四首

鷓鴣聲高草露浮綠荷烟雨不勝秋捲簾一覺西牕
夢閒憶春風二月頭

上林花樹蔚新晴走馬金門聽早鶯日暮酒醒芳意
斷青衫和病倚秋檠

閒庭幽巷小山隅
竟日迢迢一事無
慵極忽驚身尙在
自憑形影認髭鬚
蓬髻蕭疎髀肉肥
驪駒一繫事全非
閒愁暗數滄桑日
又覺秋鴻幾度飛

雪花和雷蕙畝

上林花事隔青春
日暮梁園酒正陳
萬里空高飛甲坼
十分清白出風塵
寒生柳眼鶯聲澀
瘦結梅心鶴夢頻
誰向樽前歌郢曲
瓊英玉蕊又紛綸

酒花和陰淇園

玉堂風味綺筵春
爛熳樽罍別有神
曲水乍流開頃刻
渭城纔唱落逡巡
香浮菡萏清難辨
色借葡萄綠正勻
却怪山中千樹好
東隣閒殺賞花人

立春日與家兄以牧家弟以燕小飲

努力樽前各一觴
春風還到野人旁
貧來但覺歡情少
興至偏知酒味長
沐下鶯聲皆有子
水邊梅色漫經霜
溪山寒盡氷將泮
老大相看更不妨

奉和陳明府厚堂同年西師凱旋敬志原韻十

首

滇南戍鼓輯

天威九服傾心向日歸一角櫓槍飛徼外西師十萬

更聯圍

首罪初聞朗卡強獨張鯨尾跋高粱後夫更作

雙車輔小腆運忘百足僵

封臣傳

諭屢包蒙欲解刀兵甲更衷

皇怒赫然斯奮伐疇咨方召奏膚功

嘽嘽勁旅出三韓露布馳書禹鼎好海內不知

兵革久一時攜手道旁看

劍閣憑陵黑水危堅礮密箐互傾欹

天兵過處無留難鐵騎凌空出九達

連營千帳月盈盈閒射霜禽野火烹萬里

天書除戰字蠡旂旋指勒烏平

長驅轉戰陣雲高
薄險爭持劍戟牢
殲豕羝羊
千刃濕更揮尺組
繫生猱

兵罷東歸景物殊
沿邊屯牧出長途
桃關一片
漸漸石憑作燕山
勒遠謨

狼庭烟霧掃無遺
到處聲靈草木知

闕下元戎歸飲至
萬方同上

兩宮祺

春官祀典謁

楓宸

天仗時行禮意真
還向

虞廷修秩命紫光
閣上

賜功臣

別意二首

驕馬勒春寒
征雲向曙看
柳搖星劍綠
花拍玉琴丹
攬鏡眉微斂
開奩髻未安
回身理行篋
敢道別離難
十日理郎新
五日縫郎綻
未惜韶光飛
但愁針線緩

春草綠萋萋春風上路岐低頭一盃酒不敢問歸期

古意

昨夜簷前雨霏霏洗石榴曉來天氣薄羅幌似清秋
銀鏡彈輕粉金鈿墜汗油小粧晨已罷催上讀書樓

竹篙嶺亭子

寒雨凌風遠高亭一望閒春城三十里空羨鳥飛還

故香

舊日楊州市濃香各在衣扁舟同氣味雜佩轉光輝

雲海音書斷芝蘭歲月非獨憐芳未沫欹枕尚依依

病中陰淇園話舊兼示新作漫成二首並呈會

中諸同人

伏枕餘歌泣牽衣得友生病經垂死日交繫去年情
晨夕猶堪數鬚眉已自驚相看聞有句傾耳覺鏘鳴
夙昔金蘭會風流翰墨新宗師推老大騏驎各精神
荏苒櫻斯疾蕭條剩此身忽聞歌舊調幽感正紛紛

遲弟二首

時弟失偶後
假館鄉塾

有弟傷神久將兒作客長托身同海燕覓食寄書囊
白日江村暮青春館舍涼遙知吟望處佳節重旁皇
魚鴈還相訊琴書許暫同離居兼日月旅食况童蒙
艾葉新莖綠榴花故樹紅雖貧猶可念樽酒萼樓中
喜輝姪從父自塾歸兼柬塾中主人二首

旅食童蒙古漂搖毀室餘嗥音無母日雛羽傍人初
苦病孱逾甚多貧藥轉踈更生三載後悲喜定何如
別館來歸早樽前手重持樞衣間唯諾識字笑侏僂

在耳身爲客辛勤父作師故交誠可賴風雨荷心期

奉酬陰淇園過訪

旂亭春酒散餘曛病骨支離已十分萬事難勝滄海
淚幾年高臥碧山雲前程偃蹇宜無路舊席溫存尙
有君暫假莊生齊物論一階涼雨數清芬

鵠二首

小小承恩養肥翎毛不剪漸光輝欲知神俊惟雙
目要得調良始一飛高棟暗生雲脈脈畫欄還繞樹

霏霏亭臺處所無迷悞旋撲青霄出故扉

金鈴纔繫彩雲飛遠到前山近拂磯一抹晴烟同鼓翼數聲清響旋成圍破除隔礙空無迹脫畧樊籠晚更歸戡敵傳書俱不論多情最是主依依

雷海峯秋日寄懷次韻二首

詩瓢何處借僧廚落日空山對水隅
觸景漫添騷客恨行吟應斷旂人鬚
行間墨湧三千浪筆底雲橫十二巫
風雨一絨傳急足又分秋思到狂夫

飄零文史記三冬剩有書田愧老農
攤飯幾回倉落菊授衣一味怯寒松
雲情枉憶天邊鶴草色空憐砌下蛩
忽聽秋聲來戶外夜簾愁殺五更鐘

聞讀書者

庭檻淒清月滿池遠風出樹隔離
知悵然此景猶堪憶二十年前凭几時

題耘圃兄山水圖小影

幼志恆超羣端居馳遠想逝欲垂寸緒
入山遂幽賞

一病苦僵仆斯言負疇曩余宗有同好度越風斯上
乘興命方幅潑墨揚清爽切嶽飛嶄岩截江流滉瀟
參差布林木曲徑紆平敞片石卓秋烟緩步躡輕兩
箕踞坐徜徉游目肆寬廣左盼挹烟霞右顧臨潏泱
蕭然清風來落日臨高壑攜琴意何適古調發幽響
聞昔山中人翻飛絕塵網松雲臥岑寂鷗鷺來恂悅
高景不可續流風被林莽之子致遙深繁余念滋惘
素志渺難就聞聲亟攀仰斯圖如可卽神况與俱往

春日雷海峯自五峯詩社歸輒詢近作奉荅一

首

竹塢松林一水濱幾人同醉習池春已聞擊鉢催新
句爭擬驅車托後塵阮籍篇章多有淚長卿著述久
無神憑君莫向花前問病枕闌刪更苦貧

早春和巫漱園

紅芳纔放綠初肥一片鶯聲出谷飛愁裡忽驚春又
至病來還覺事多違新歌何處旂亭酒舊典當年杜

曲衣輸却五陵原上客馬頭行傍草萋萋

贈劍篇送舍弟以雲遊學歸化縣署

牀頭劍氣秋霜白一病銷沉黯無色簷前別馬忽聞聲
驚起開函重拂拭當年錦帶燿有光脫手欲贈心
激昂神物何可任掩抑爲君起舞贈君行丈夫墮地
便有事安得麋鹿羈故鄉功名乘時須及壯俛仰奄
忽徒悲傷空山老驥猶蹙躑矧子如日東扶桑天清
地曠雲宇濶奮足高起毋迴翔明珠作鐔白玉缺快
觀驕駟馳康莊家貧親老爲祿仕我有血淚空沾裳
羨君方遊爲君喜堂上二老猶康強古人生平非溫
飽三釜蓋亦其皇皇南山爲脯海爲酒一日不逮孰
與將琴臺片席風雨夕鷄聲月色何可荒使君舊是
江南彥才調倜儻非尋常事賢友仁必有藉工欲善
事器惟良一鞭竟去勿復問道旁楊柳花正香

題躬耕圖

春山浮楊柳洲數畝田半間樓柴門開芳徑求鳴鳩

破隴水流耕且耘勤以休農歌唱牧笛酬日之夕下
羊牛此景樂將誰與若年少義安取庶幾哉思小雅
循南陔登華黍力朝夕以養母

雷葵園稱其室人不好佛歌

時俗苦嗜佛奔若流赴泉士夫既不免婦孺益顛連
吾寧百年間所見何辛酸始者猶斂手其後破面顏
老婦排闥出幼少紛駢闐群然闐街衢旦日浮香烟
雖貧不自惜矧乃富於錢一擲累千萬遑念飢與寒

上奪翁姑餐下割子孫歡饜飫釋子腸不耕抑已田
余嘗默以思此理安可論吾道自古今皎若天日懸
聞者或不信信者或不專斯說本無稽不驅而自前
漢魏以迄茲豈無聖與賢過之而愈熾辟之而愈堅
此在天地間譬若鴈與鷗與鳳凰鷺鷥生遂各綿延
麒麟稱時瑞虎豹攫其肩氣化有善惡雜揉不可分
所以吾道外復有異端傳雷子吾黨士與余話其然
稱其荆布人其性別有天恆笑羣婦愚自安井臼緣

行年今五十未始爲斯言卓哉君家婦何乃破俗牽
雷子勿失恃崎嶇母弟間其事所修爲往往近古民
詢其何以能內助亦孔艱茲尤出世格獨立當狂瀾
匹婦有定見習染無許于秋月揚清輝譬若蕙與蘭
安得徧爲芳吹噓里嫗門余居久岑寂有感輒爲文
所願天下士敦好在五倫經正庶民興以爲吾道藩
君看巾幘中自好猶有人

同學巫振驊自李邑尊署中過訪

鳳門揮手隔風烟病裡逢君一愴然蝸角不勝秋雨
痕驪珠空抱海雲員閑拋身世悲餘日重荷心期憶
往年却喜琴堂花正麗彩毫新賦遠篇

寄懷龍山舊同學

蘭佩芳菲各少年松風攜手月明天遷鶯共理青雲
業走馬同懷寶劍篇一第崎嶇餘病骨千山寥落鎖
愁烟升沉此日渾如夢幾度離居意惘然

寄懷張廣文聳千同年

俊翮徒憐萬里風天邊回首意何窮年華似水真難
挽身事如槌已不同宦達君猶松桂薄飢驅我更稻
粱空當時一石金門酒愁向秋山聽暮蛩

他山書館送諸同學秋試之行

花樹葱蘢水檻中筆床書幌一燈紅年華並駐扶桑
日才調同生瀚海風江上雲程秋正濶山閒劍氣曉
頻冲延平津裡扁舟過袖底摩挲孰與同

春流

活活春流夜到門此聲難聽最銷魂當年洞口桃花
片紅出溪頭又幾村

戲贈

長楊大道雨濛濛公子鳴鞭去若風可惜河陽花滿
縣一枝顚顚在山東

倚欄見鷺鷥一隻

水田何處便離羣落日高高一片雲可向鴛鴦池上
過綠荷清淺護波紋

代江南呂生悵然作

一聲清鶴五更還雲海滄茫認世間過去已知身是
夢歸來猶喜道爲關楚天殘雨沉金佩洛浦淒風墮
玉環枉憶門前花片路賺人無限水潺潺

小草

小草深秋候葳蕤冒水涯豈知生意改猶自放紅花
淡蕩籠朝日輕盈映落霞倚欄情不盡離恨寄棲鴉
奉酬諸同人過訪

苔門深隱碧山圍芳草懷人燕燕飛豈意烟波臨別
浦直勞風雨到漁磯笙歌沸檻雲爭住詩酒連宵露
未晞莫遣帆檣便歸去松閒明月正依依

寄贈彈琴黃思中秀才

石上流泉水亂鳴平沙落雁更淒清他年此調聞君
操今日因風何處聲雪嶺鶴歸秋萬里雲門松冷月
三更定知還作懷仙引一曲空山白露橫

遣懷

芳樹連陰宿雨遲
撩人風景日淒淒
不眠且臥傷春後
半醉還醒近酒時
楊柳涵青虛寄遠
芭蕉結綠嬾題詩
水精簾下水桃熟
應憶歸期未有期

江南曲

香車繚繞芳塵拂
花下看花酒同沸
美人當戶捲珠簾
遙望江南撫瑤瑟
江南日暮春茫茫
西風一夜寒瀟湘
秋塘蓮子雙雙合
未必郎心不如妾

重題山水圖小影

晴牕繞指秋毫輕
碧山飛駐高人庭
峨眉半破崑崙崑
裂天風飄薄來山城
當軒照眼奇勢出
層巒聳削嵌空青
怪石墮紙欹不定
懸崖老幹相支撐
高鶴遠舉猿狖逸
神氣繚繞蔚仙靈
丹邱井竈不可接
但覺觀宇參差迎
飛濤拍空樹影濕
匹練滉瀟搖踈櫺
平原修遠雙岸濶
斷霞野霧奔遙汀
布帆隱現逡巡出
破浪誰托長風行
蘭橈桂楫水聲宕
中有靜者傳其形
幅巾單衣何自得
泉石之癖夙所撝
一邱一壑未足

擬乘興恍惚窺湘衡九嶷巉岩覲面得三江之水流
晶晶余懷馳騁不可束素志久與岩林傾輪蹄到處
每紆折吳山越水記行旌故園把酒時相遇指點烟
霧振詩情斯圖快賞自夙昔與君披覽爲君醒中堂
一散酒情竭撫枕惟覺月空明聞君更掃齋頭壁軸
題拂手松蘿生向余索句余何有觸緒輾轉意難平
舊遊如夢不可挽與君何處話蓬瀛羨君獨向圖中
去一棹風烟山色橫

四月八日他山草堂小集樂觀同人之志詩以

倡之

曉牕梅雨霽光風泛林莽池館散輕寒庭軒挹清爽
注水不浴佛開樽聊偃仰同懷集襟帶遲日延高賞
眉目各飛揚言談皆倜儻曠然動遠思停杯寄深想
是時紅杏花正綻黃金榜拂羽競遷鶯雲路豁開朗
諸君年並少陸翮容生長何當破壁去高飛決塵網
余居苦閑放一病無復往故劍任銷沉羸蹄空骭體

猶幸夙昔心相將願吾黨歡然縱杯勺竟醉不須強

海上詞六首

有序

座師海山周公嘗奉使琉球每歲以歸舟卽

岸日稱觴卽席賦呈爲祝嘏之詞云爾

玉堂冰簟藉芳罍絳節仙人海上回載得流霞

花氣重年年香滿碧甯杯

雲錦

恩裁一品衣玉皇香案久依依浮槎偶向蓬萊過最

憶雙龍夾權飛

瑞霞晴日碧波紅鰲背歸來萬里風解却一番

波浪後故園松鶴倚雕櫳

回首滄桑又幾秋薰絃長抱好風流別來方外

浮邱輩應向洪崖說舊遊

星象中樞久接連乘風還上大羅天閒將島外

烟霞片裁作人間五色箋

瓊筵花酒足淹留兩浙湖山月一鉤

公時視學兩浙洛

中耆舊徒相憶爲報溫公尙黑頭

虎邱

望氣終難見名山自古今扁舟明月夜把酒正沉吟

架上榴花盛開

瘦骨凌風爛熳開紅葩夾萼映青苔蓬門幾月無春色却背群芳何處來

宿羅溪與二軍官小飲

與君同是客中人仗劍攜琴且自親酒到平生惟覺少話當萍水不忘真挑燈漫憶劉巴語掃榻聊安徐
釋身夜半一衾涼雨後月光斜透枕痕新

早發羅溪

十里前途水未乾五更殘雨過溪寒輕裝早發長亭外一夜家山夢始闌

龍山講院送同學陳魯瞻歸里

筆牀秋冷凍雲飄同憶晨昏數月遙却羨一鞭歸去好冬溫先向寢門朝

送雷葵園赴幕粵東

策足猶堪據要津
髭鬚未老更風塵
不辭肝胆輸知己
暫別糟糠作旅人
海上烟波隨處濶
客中計畫幾時陳
何當快把黃金篋
穩臥東山索酒隣

送夢如江南學賈

奮袂遙呼賈客船
一篙寒水漲春烟
大非所近因而寄
熟察其中恐不然
西子湖頭閒悵望
莫愁城裡漫流連
知君自愛溪山好
細簡韓家十樣箋

贈李盛連外甥

幼學橫經又一年
垂髫雙朮正翩翩
早矜文陣揚鉦鼓
遙探書城得管鍵
往日寒枝猶映雪
新春異卉更含烟
石巢寒枝先生讀書處風月多餘韻
力濬名山百尺泉

和德如庭蘭求兆熊巖也

劍葉含風玉一圍
十年情事憶芳菲
謝庭曉起春逾遠
鄭國宵來夢屢非
海上碧桃聞有信
月中丹桂好揚輝
君家舊作催花韻
猶記啣杯夜未歸

夢如自江南以遊草屬點定走筆却寄

一覺江南夢屢嚙琴歌閒老茂陵身憑君試問江頭
月憶否扁舟一箇人

送家弟以燕仍赴玉屏書館

又覺今年似往年暫憑樽酒駐遊鞭相看老大長如
此且喜簞瓢尙晏然將子漫霑無母淚閒居已悟達
生篇與君更盡杯中物陌上青春正可憐

辛丑人日與家兄受廬弟翼堂小飲醉後作

筋骨全憑酒力存一觴遙返醉鄉魂但捫吾舌猶無
恙且盡君樽更弗論阮籍狂來惟有哭陶公興在已
忘言醪然便索中山枕一覺昏昏自掩門

和德如山庄感懷原韻二首

一覺秋帷月五更春風回首意怱怱偶聞花信愁難
遣纔聽鶯聲恨已生井水滔天曾不意綿針著手太
無情山庭此日憑誰語付與寒蟬自在鳴

四十商瞿尙有年無勞呵壁問青天浮雲變滅客過

潘氏小堂 卷一
眼滄海瀾翻剩醉眠如子生平宜可信在人情僞已
難傳洞房春暖還堪種莫枉藍田作石田

可歎

鑄鼎燃犀總未窮暫憑杯酒訊秋風竹枝漫攝袁公
劍柳葉何勞楚客弓好鳥聞聲防鳩舌繁花失路悞
蠶叢悠悠世事殊難問莫厭樽前燭影紅

歲和菊邨臘月望後一日卽事二首

曾到江南第幾橋百花堤上馬蹄驕歸來始悔雄鳩

誤重向春風問柳條

一樹閒花到眼明汀洲簾箔最輕盈陌頭幾隊催年
雨遙送香車出石城

贈陰桂友江南之行

翰墨風流迥出塵翩翩裘馬正青春江淮以外詩名
在歐趙之間筆態新暖日一鞭芳草路晴烟滿眼綠
楊津知君定有樽前句莫厭他鄉酒味陳

贈伊孝廉煇若侍太安人北上兼呈其尊父雲

林先生

鸞鶴高飛近五雲
綵衣親侍蔚芳芬
人如東日天邊見
名重南金海內聞
畫省清樽方望子
瓊林嘉會好遲君
登堂若訊同門友
爲道幽居久離羣

宮詞送諸同學鄉試

頻拭青銅恐未明
新粧盡擅漢宮名
同歌舞袖翔秋鶴
細嘖歌喉度曉鶯
豈但鉛華矜綺麗
多應肌骨喜生成
天邊物色知無悞
着意牕前一段情

陰靜夫先生壽詞

北風夜剪幽巖秀
絢發梅花爲君壽
山城崛起孰稱名
檀河邑先輩李寒枝先生齋名而後見
先生寒泉不食心有惻
一卷之書聊自得
悠悠此事誰與論
且盡花前酒一樽

次韻奉和雷葵園粵東寄懷之作

雄才空結願千重
一劍飄零海上峯
珠市幾人拋密網
銅山何地應踈鐘
長途可擬歸王粲
貧巷翻勞念

蔡邕惟報生涯同落拓閉門風雨泣魚龍

送仲兄以牧赴程屋書館

時以燕館石壁故第五句云

策馬猶堪問道途丈夫終不老蓬蓬無庸內顧諸兒
在况復從遊一子俱十里雲山通雁路幾家詩酒接
鴻儒開春漫憶池塘草憔悴鄉園綠欲蕪

寄懷山人張子昭

露白葭蒼水一隅十年長憶輞川圖何因獲訊歸來
耗載得西江酒百壺

送吳漢雲謝達廷同遊三山

寒山四望不可住門外風烟浩無數一鞭遙指海雲
飛到處花開楊柳路奇鋒淬銳莫敢當起行况復雙
干將詩函細檢明珠篋畫卷兼攜紫繡囊未必侯門
真似海簾鈎鸚鵡方旁皇聞君慷慨飲君酒老我空
庭更何有摩挲故劍低徊久

甲子七夕舉酒屬老婦

天上歲一別一別歲一見我與君別時茫茫難再面

今日尙能飲且作中庭宴不見鏡內絲雙白雜飛霰
憶昔紅顏時攬袖歌羅扇轉眼兒孫花繞鬢開燦燦
惟我已與君了又如老幹恍惚新月光行近西巖畔
幸有酒盈樽逕酌不須勸仰視烏鵲橋人世何能羨
但醉勿復辭更作斯須伴

水仙花

清品不可尙亭亭水石間方盆僅盈掌爛漫發新鮮
彷彿玉蝴蝶迴立青琅玕含毫意有似想像出塵寰
或言許飛瓊或言姑射仙我猶不謂爾試檢名媛篇
宛如樊少君濃粧謝綺紈提甕欲出汲風味別脩然
還指百花叢芍藥紅牡丹繁華逞嬌艷把酒欲何看

池上詠蓮

一曲南薰水檻清銀塘香滿玉盈盈乍施鉛粉凌波
出更染胭脂映日明西子湖頭飛畫舫潘妃殿上拂
朱纓相遭幸有濂溪賞盡洗穠華得美名

星泰鄉試兼示星高時高遊幕泉州由泉往省

老我呼兒去秋風桂苑芬一篙初破浪雙劍並凌雲
東道兄爲主南天雁入羣花開吾有望把酒意欣欣
度仙霞嶺

山勢何雄厚烟雲一逕通十閭金鎖鑰兩浙玉屏風
鼙鼓他年急冠裳此日同郵亭四百里到處酒盃逢
刺客傳書後

烈士殉名輕一死一死祇成烈士名孔曰成仁孟取
義泰山肯比鴻毛輕寥寥千載劍光墜展卷空聞歎

息聲

重遊東山寺卽事有感七律四首

有序

寺去城五里跨東溪末流向有橋嘉慶五年
圯於水行旅艱之附近鄉民倡募修建易輿
梁而徒杠仍設渡以彌橋之缺往來以濟事
竣請余文紀之碣于道落成之日置酒于寺
固請余與俱寺固邑人遊覽地也憶乾隆丁
丑春鄉先正雷翠庭先生以詩招余遊寺與

家仲受廬陰子淇園偕詣飛觴至是四十八
年矣自先生仙遊其後淇園繼逝今年兄受
廬又奄然物化歲月遙遙舊遊如昨撫今追
昔何能以無感也卽事有懷慨然成句

善在鄉鄰小必爲况占利涉慰民思橋通兩岸晴偏
好渡跨中流雨亦宜五載鯨波驚斷港一時鰲背矗
新碑落成把酒懽相迂野父前期致有詞

郭外秋生袖底風檐輿重過板橋東桐花拂面疎林
轉水鳥捎簾曲岸通鄉老情多迎道遠山僧禮重應
茶恭香臺少坐嘉筵早布席連催日正中

舉酒非醇客未娛何嫌市遠別求沽人多耕稼誠無
僞地近烟霞興不孤醉起臨風翻感舊春遊折東孰
招吾依稀五十年來事曾向溪山訪鷓鴣東山鷓鴣
行舊遊時作

大木斯頽衆卉虺蘭香歇絕棣花摧重來握手空留

句

舊遊東山寺有
握手重來之句

撫景傷懷漫舉杯老我獨憐衰髯

在同人還喜笑顏開相看也覺新情好一醉言歸首
重迴

翼堂弟輓詩三首

此恨何當又別君黃臺瓜摘豈堪云仲今已和吹璫
去季也仍傷割席分老淚再拋纔一月秋庭遙望更
無羣詩壇酒帖他年事獨倚寒山弔夕曛

少擬圭璋老更磨一經酣臥碧山蘿操修合起元龍
敬著述應傳伯虎多古調獨彈惟自好浮生若夢奈

君何更憐辛苦人間世雨慘風淒備與罹

三十歸親

妻

一子生花開旋落實無榮再傳惟剩童孫

在孤立難期幼學成從古修途皆達命但教吾黨得
留名如君沒世亦何憾獨有衰年棣萼情

皖桐左秀才上岑過訪奉酬一律

庭戶冬寒黯不開春風還訊隴頭梅過門客是江南
彥揆藻人稱冀比才老我衣冠多潦草荷君僕從一
徘徊應知空谷跫然喜何幸佳音舉足來

